



kat. h. w. w.
21780

III Mag. St. Dr. P

Casim.

*Podgurski Samuelis Joannis Obligatio honoris virtutis
et conditionis — inscripta.*

PANEG. et VITAE

Polon. Fol.

N. 1764

C

7

PH

C

I

N

OBLIGATIO
HONORIS,

VIRTUTI ET ERUDITIONI,

Perillustrum, & Admodum Reverendorum Dominorum,

D. M. PAULI
ZONTAKIEWIC,

PHILOSOPHIÆ DOCTORIS, ECCLESiarUM, COLLEGIATÆ TARNOVIEN:
CUSTODIS, PAROCHIALIS DOBRZECHOVIENSIS CURATI, &c.

D. MARTINI CASIMIRI
CZECHANOWIC,

COLLEGIATÆ SS. OMNIUM CANONICI, ET AD S. STEPHANUM CRAG:
PRÆPOSITI, DECANI PROSOVICEN: CURATI WIECŁAWICEN:

Pridem in foro benemeritorum

INSCRIPTA,

AC DVM

In Alma Univerſitate Cracoviē:

SVB EXIMIA PROTECTIONE,

CELSISSIMI AC RNDISSIMI PRÆSULIS AC PRINCIPIS,

D. JOANNIS

DE MALACHOWICE

MALACHOWSKI,

DEI, & S. Sedis Apostolicæ Gratiâ,

EPISCOPI CRACOVIE: DUCIS SEVERIÆ,

Almæ Univerſitatis Cracoviensis,

CANCELLARII FAVENTISSIMI.



SUB FELICISSIMIS AUSPICIIS,

Magnifici, Perillustri, & Reverendissimi Domini,

D. M. SEBASTIANI
PISKORSKI,

V. J. DOCTORIS, & PROFESSORIS,
ECCLESiarUM, CATHEDRALIS CRACOVIE: & COLLEGIA-
TARUM VIELUNEN: CANONICI, SS. OMNIUM ARCHIDIA-
CONI, SCHOLARUM NOVODVORSCIANARUM PROVISORIS,
ALMÆ UNIVERSITATIS CRAC: PROCANCELLARII DIGNISSIMI,
EIUSDEMq; GENERALIS & VIGILANTISSIMI
RECTORIS,

Perillustri, & Admodum Reverendo Domino,

D. M. ANDREA
KRUPECKI,

V. J. Doctore & Professore, Collega DD. JureConsultorū,
Ecclesiarum, Collegiatæ SS. Omnium CUSTODE,
Paræcianæ Luborzycen: CURATO,

Præsente frequentissimâ Magnorum Hospitum,
& Ordinum Academiae Coronâ,

RITU SOLENNI,

UTRIUSq; JURIS DOCTORES RENUNCIARENTUR,
ad effectum

DEDUCTA,

& PER

M. SAMUELEM JOANNEM PODGURSKI,
*Philosophiæ in Universitate Crac: Doctorem & Professore, Collegam
Minorem, Sacrâ Authoritate Apostolicâ Notarium Publicum,
Ex Protocollo officiosi cultûs in Publicam lucem*

EXTRADITA ET PRODVCTA.

Anno obligati humanitate Verbi, 1695. Die 25. Januarii.

CRACOVIE. TYPIS UNIVERSITATIS

OBLIGATIO HONORIS,

Virtuti & Eruditioni.

VBi primùm tellus cepta coli,

Stricti Iuris vinculo, Honor Virtuti obstrictus est.

Ex quo Astræa Virgo, de Cælo prospexit;

hâc lege mortales obligavit.

Hoc edictum, ante Iovem tulit, Superùm Prætor;

Vt Virtus & Honor, æterno nexu jungerentur.

Senatus Populusq; Cælestis,

Eburneas tabulas, hâc de re, æternùm confirmavit.

Nulla est tam barbara Barbaria,

quæ hanc legem cælitus rogatam, præsumeret abrogare.

Quascunq; gentes, Arbiter lucis videt,

Nullis rescindere vel infringere, Sanctam hanc licuit sanctionem.

Si verò fatigas responsa Themidis,

si colorem Iuris, in hac obligatione, acutiùs scrutaris?

Noveris esse, Naturalem, Prætoriam, & Civilem.

Suprema viventium & non viventium Parens,

hâc obligatione, ordinem in ordine Univerſi constituit.

Nam, ubiq; naturaliter Virtus honore coronatur.

Solem in solio, augustioris cæli, eminere miraris?

ob summam Virtutem lucis, Principem esse noveris.

Adamantem gemmarum antesignanum æstimas?

at hoc pretium, excellentior qualitas indidit,

Aurum in ordine metallorum,

eâdem lege principatum obtinuit.

Inter volucrum turmas,

eâdem vis, Aquilam Iove dignam effecit;

Leonem animalibus præfecit.

Adeo quidquid præstat virtute, præstat honore.

Porro Divinitatis ectypos, quia liberos, mortalium animos perpende.

Omnes

Omnes, pacto Virtutis & dignitatis obstringuntur.
 Gentium Areopagos adi, & audi:
 quomodo publico edicto, Virtutibus honor decernitur.
 Attende, quod ex fastigio Capitolij,
 Magnus Urbium Regina Consul, enunciat oraculum;
 Honor Virtutis præmium esto, studio,
 iudicioq; Civium in aliquem delatum.
 Huc Senatus consulta, Plebiscita & Decreta Magistratus collimant;
 Ut Virtutis & Honoris obligationem confirment.
 Illud nutantis Romæ fulcrum,
 in pænam Pænorum grandis Scipio,
 Cur Siphacem & Hannibalem invictâ fortitudine pressit?
 Quia se illi honor, ad triumphum obligavit.
 Novus in Gallia Hercules Cæsar,
 ideo meritorum auream catenam, decennio nexuit,
 ut quinquies triumpharet.
 Ducebantur ante effedum triumphale, victæ & victæ,
 Gallia, Pontus, Alexandria, Africa, Hispania,
 Sed Virtus anteivit.
 Nunquam commodius Commodo fuit, os populi meruisse;
 quam dum triumphatus Alemanus,
 se, velut alæ, manus, in currum aureum sustulisset.
 Papyrij Cursoris fama,
 quia in annalium papiris, hactenus non deficit,
 solidus virtutis character effecit.
 Ductus ille albis in Capitolium equis;
 Nam vincens Corsos, mensus est celsitudinē suam, in monte Albano.
 Traxerunt Pompeios in curribus iuga elephantum,
 sed postquam Africæ iuga peragrarent.
 Præferre aureos montes cum pompa licuit,
 cum saxeos superarent.
 Ostentare ex puro obryzo confectas vites concessum est,
 sed superatis vitæ periculis.
 Non negatum, quadraginta, dextrâ lævâq; gestare lychnos,
 sed prius, inter glomeratas Martij pulveris nubes,
 invicti animi splendor, micare debuit.
 Tres Curules, Triumphos Augusto egisse,

ad invidiam seculorum gloriosum,
Sed ad hos per centum vitæ discrimina, itum est.

Cunoni & Evagoræ,
prope Iovis Statuam simulacra, posuistis Athenæ?
Quid homines Dijs miscetis superis?
Quia Virtus, terrarum Dominos evehit ad Deos.

Ita Statua,

Demosthenem etiam post fata superstitem loquitur,

Nam *Honor perpetuus, virtutis præco est.*

Post communem lapsum in tumulum,

Stetistis in statuis vestris,

Divini Platones, Homeri, Gorgiæ Leontini, Isocrates,
manus enim Honoris aureæ, Virtutem Vestram fulciuerunt.

Adeo honor virtutem sequitur, ut solem umbra.

Firmata utriusq; æterno pacto societas,
magis quam Pilades & Orestes dividi nequeunt.

Civilis hæc obligatio est,

Quia nihil est magis Civile, quam bene meritis,
honores tribuere.

Hanc legem obligationis, hodiernus efficaciter exequitur honos,
quam in foro bene meritorum prædem Vobis inscripserat,

PERILLUSTRES & ADMODUM RENDI DOMINI V. I. LICENTIATI.

Nominato hodiè Contractu, Themidis augusta Sedes,
purissimo Possessorio retinenda Vobis traditur.

Concessionem, an cessionem ejus Laureæ sumitis,
quæ aureis Regum Coronis suppar est.

Sacratissima enim Iurisprudentia,

Imperantium non assistrix tantum, sed assistrix est.

Per eam Reges regnant & Principes iusta decernunt.

Quidni ergo Fratres hujus augustioris Helenæ, gemina sidera,
totum Helicon in plausum excitetis?

Salve valeq; diu primum in Astrææ sublimitate astrum,

Perillustres & Admodum Reuerende Domine.

M. PAVLE ZONTAKIEWIC

Philosophiæ Doctor, Ecclesiarum Collegiæ

Tarnoviensis Custos, Paracianæ Dobrzechoviensis Curate &c.

Tibi jure merito honor obligatus est.
ad cujus Augustale Regiâ Virtutis viâ properè & prosperè iuisti.
Tecum crevit ne dicam nata est,

Colophonij gravior ad honores promotrix, probitas.
Primum ejus suffragium vt in cunis Alcides nactus es,
cum illustris illa, non vno pullo musarum Vmbria,
Kantensis Civitas,

Te in publicam lucem ediderit.
Locus ille Delo & Cretâ felicior & sanctior jure censendus,
ex quo tot Cynthij Nostrum Parnassum illustrantes prodire.
Vidimus ex hac Ida, etiam nostra ætate magnos ingenio Ioves,
ex quorum erudito capite non vna Minerva nata est.

Sed Tibi vt ad encomium ita ad imitationem,
Vnus pro mille suffecerat, Phæbus Academici orbis.
BEATUS JOANNES CANTIUS,
Sacræ Theologiæ Doctor, & Professor.

Hunc Tu vt Heliotropium secutus es.
Ad hanc enim Sphæram, per quam Ille diviniori Intelligentia motus,
Splendore vitæ suæ omnia illustrabat, ocius impulsus es.

In tanti exempli meridie,
quis Te filium lucis, in ipso ortu inchoati studij non vidit?

Quoties in Academico Cælo,
ad motum primi mobilis mouebantur minora sidera,
toties par majoribus astris, in motu tantum quiescere didicisti.

Nec mora nec requies vlla, Tibi persuaderi poterat,
qui cunctationi inimicus, celerem profectum anhelabas,

In tanta nihilominus ingenij celeritate,
nunquam erraticum sidus extitisti.
Cælo virtutis affixus, regularem eruditionis motum seruâsti.

Omnis scientiæ lucis capacissimus,
ex orbe Novoduorsiani Apollinis, vt melius splenderes,
ocius transferri debuisti.

Aliorū capacitas, vnius Scientiæ magnitudine impletur, si non obruitur.
Tui ingenij vastitas, quoddam Scientiarum Vniversum est.

Microcosmum cum Te cognoueris,
semper Archetypo conformatus es.
mirandus in Te Superiorum & inferiorum Scientiarum ordo,
cum

cū ex quacumq; interrogatus, non eras vt Baldus respondisti.
Ministra scientiarum alijs refragaria, quia spinis suis pungens,
Tibi ad amussim facilis.

Multis obserata difficultatum claustris, Physices arcana;
Tibi velut centum Thebarum portis patent.

Metaphysica, pluribus antequam sciatur metam ponit,
Tibi Herculeum plus vltra.

Ethicæ moribus jam Professor eras, antequam profitereris.

Civilis Doctrinæ vltro gnarus,
quia Te exactissimis vitæ regulis gubernans,
Solonem animi Tui demonstrabas.

Laureata, gemino diademate
tanta virtus & eruditio, Chrisippos & Socrates superauit.
Per Tullij & Stagiritæ exedras, nunquam non oracula fudisti.
In publicis philosophantium Olympys,
sine fastu & ruga, Victor palmam receperas.
Lene & tractabile ingenium, licet sublimium capacissimum sit,
Voces tamen vel mores fastuosos, vti male transcendentis,
speculari noluit.

Hinc seruauit Tibi bonæ fidei Contractum
Inclita Facultas Philosophica,
cum Te Togato Senaculo suo, vt gemmam annulo inseruisset.
Cæterum hic honoris Tui Philosophici ingens honor erat,
quod non Tibi tantum sapere didiceris.

Plures sapientiæ gloriā suā desidiā extinguunt:

*Dum in specu cum Cinico stertunt,
eruditionis palmam ingloriæ obruunt.*

Apricum nempe sapientiā poscit,

*Crisi & calculo Magnorum Virorum expolita,
magis splendet.*

Thesaurus absconditus neminem ditat.

Gemma consepulta fluctibus Erythraïs, pretio caret.

Imò oraculum cæleste terret, dum ait:

Vapulasse seruum qui desodit talentum.

Immunis ab hac censura, & solitudine ignaua, eruditio Tua.
Ante vitam Te sepelire nolens, publicam Toloni Orbis lucem petijsti.
Magnorum Heroum erudiendis Ascanijs datus,

plures Macedones Orbi Sarmatico excoluisti,
Quam obligationem non præstitit, in pensum laborum Tuorum
Illustrissimus & Magnificus Dominus

VLADISLAVS ZALESKI.

Succamerarius Lanciciensis &c. &c.

Verus enim Stagirites,

Partes viscerum eius ALEXANDRUM & STANISLAUM,

ita scientiarum varietate exornasti,

vt celsissimis Curulibus dignissimi extiterint.

Magni ingenij Tui limâ,

KORICINIANAM ASCIAM ita expoliuisti,

vt nisi fata inuidissent,

ad eius splendorē, velut ad parmā Persei Gelones obriguissent.

Illustrissimi ROIEWSCIORM sanguinis gemma,

hodie Regibus Regnoq; in pretio & delicijs est,

cui Tu nitorem sapientiæ Tuæ addidisti.

Porro vt Laureatos magis redderet labores Tuos,

Magnus Lechiæ Cato,

Illustrissimus & Magnificus Dominus.

IACOBVS de Roioŭ ROIOWSKI, CASTELLANVS,

WISLICIENSIS &c.

ad Magni Christi Herois, S. LAVRENTII Ædem, Te præsentauit.

Didiceras iam Magne Myſta Laurentij Zelum,

ergo Te Custodem Inclyta cooptat Tarnouiensis Collegiata.

Ad geminum illius Astrum,

Tu Astrææ Cultor integerrimus, adſcisci debueras:

Vt Noua Intelligentia, pietate Tuâ & eruditione illud moueres.

Mutet iam Nomen Tarnouia,

Cum Tu omnia ſuauiſter diſponens, nihil ſpinofum præteferas.

Te vigilantiffimo Custode,

Ex ſuis vepretis, fugiunt efferatæ morum bellæ.

Pro Tribunali, Surrogatus cauſarum Arbiter;

Librâ Phocionis iuſtius, merita partium perpendis.

Legum Canonumq; ex aſſe peritus, ita viuus;

Vt ipſe Canon omnium virtutum & regula vitæ ſacerdotalis ſias.

Hanc ſcientiæ & conſcientiæ rectitudinem

affectu & effectu probauit in Te

Iuris

Iuris Aureus Tripas,

Perillustis & Reuerendissimus Dominus

M. PETRUS STANISLAUS ORLOWSKI V. I. D.

Canonicus Cracouiensis, Præpositus Infulatus &

Officialis perpetuus Tarnouiensis &c.

Cellissimi Principis, Illustrissimi & Reuerendissimi Domini

D. JOANNIS de MALACHOWICE

MALACHOWSKI,

Episcopi Crac: Ducis Seueriæ, Generalis Causarum Auditor.

Cum Tibi arduum visitationis munus, commiserit;

Vt Argo oculatior, omnia perspicias.

Ita in Cordibus Cleri populiq; triumphas;

Vt quidquid volueris, facer Cyneas, persuadeas.

At Tu nihil in votis habens,

quàm vt Te Custode, procul scelerum grex fugiat:

Nunc tonitrua Periclis torques;

nunc Isocratis lenitate demulces.

Ducis volentes, nolentes trahis, Diuino more.

Zelus ergo Domûs DEI,

Omnium virtutum in Te fastigium est.

Hunc cum Thesbite vitâ præfers.

Nullum Achabum & Iezabel formidas,

Bella Domini Exercituum, inter mille casus & pericula,

gerere non recusas, vt Ecclesia stare possit.

Dilectio Decoris Domûs DEI,

Verè in *Te fortis est vt mors.*

Nullus eam respectus, nulla erogatio vincere potest.

Sacros Diuorum tholos, nouis structuris exornas,

Aræ puluinaribus fulgentes, Ecclesia decorata vt Sponsa,

quid nisi Tuæ in superos pietatis, perpetua sunt monumenta?

Et nonne hæc Tuarum virtutum, stricta cum honore Obligatio est?

Imò hæc altissimarum dignitatum,

non tantum præfagia, sed certissima sunt documenta.

Quod si cætera deessent,

(hibebas.

ipsa Capitis reuerentia Cani, quàm vitæ Authoribus liberaliter ex-

Te amplissimo honore coronaret.

In horum Tu, benedictionibus, ut largè ferebas,
ita largissimè metis auream honorum messeri.

Sed iam à conuersione PAVLI,
ad amplitudinem Nominis Tui conuertitur calamus.

Perillustis & Admodum Reuerende Domine.

MARTINE CASIMIRE
CZECHANOWIC

Ecclesiarum, Collegiatæ SS. Omnium Canonice &
ad S. Stephanum Crac: Præposite &c. &c.

In primo tamen Gloriæ vestibulo arceri videtur Panegyris.
Obligationem quidem honoris, obligata est celebrare;
Verùm velut in labyrintho Theseus, ipsa ligatur & irretitur.

Ad magna enim natus animus Tuus,
Iliadem Homeri, non pagellam hanc exposcit.

Quidquid egisti Iouis suffragio dignum est.
In ipsa iuuentute grande morum senium demonstrabas.

A teneris togam virilem indutus,
Areopagum virtutum in pectore Tuo circumferebas.
Obligari Tibi iam tum debuerat honor,
quia benemeritorum conditiones impleuisti.

Si enim prima honoris conditio est Musas coluisse;
Tu Phæbi Senatum, totumq; Parnassum, in pectore claudis;
magis quàm Pyrrhus in Achate.

Multos Endymiones difficultatum, quas sibi fingebant Hymææ,
In medio cursu ad Heliconem, à proposito deterruerunt,

Tu Bellerophon vir innocentæ,
Pegaso ingenij Tui insidens, monstrorum domitor extitisti.
Domuisti labore comite Centauros,
qui tot Ephoris negotium facessabant.

A Musis Te educatum crediderim;
Qui placido vultu & venerando, moribus comptis, animo constanti,
nihil non Phæbo dignum tentasti.

Profundum Democriti scrutatus in scientijs;
non perfunctoria tractatione Omnium Encyclopædiam assecutus es;
Tuæ sapientiæ contemplantes oracula;
ridemus gentis Pelasgæ somnia.

In Te

In Te Delphos scientiarum, eruditorum mirabantur senacula.
Naturales & supernaturales disciplinas, pectore ita complexus es;
ut natæ simul tecum videantur.

Quoties ex Rationali scientia discurreis;
toties multorum rationes triumphas.

In Naturali scientia Naturam supergredi videris.
Suprema scientiarum Præses nullius magis familiaris,
quàm Tuo intellectui.

Capacissimus ille, & seipso maior, etiam Cælestia comprehendit.

Gyrum Cæli circumit, pernecitatem siderum assequitur.

Fuerit sane Heraclito & Cratillo impossibile,
bis eundem fluvium ingredi;

Tu non flumen tantum sed vastissimum scientiarum pelagus penetrasti.

Ignæ Columna, Theologia,

quæ electum populum, inter errorum noctes ducit,

Tibi sanctiorem Palæstinam monstravit.

Terra nempe promissionis, est virtutum cultura,

sine qua, cælestis honoris nemo fit candidatus.

Hoc in Te ut admirandum, ita imitandum Omnium calculi probant;
quod in tanto scientiæ culmine demittaris.

Eo verè Theologico & heroico facinore,

Te non esse de eorum grege doces,

qui in mirabilibus ambulantes, nil nisi ampullas de se loquuntur.

Currunt Magni vates, in immensis vastæ cogitationis Olympiis,

sibi tantum lampada cursu tradentes:

quorum tamen faculæ, non est cælestis origo & entheus vigor:

adeoq; digua est cui inscribatur: *plus fumi quam lucis.*

Inde etiam modestiæ Tuæ cancellos, nullus Tullius non laudaret;

quod exactis, tot Cleantheis noctibus, honoris diem non quæteres.

Iam onerosas laborum condiciones adimpleveras;

obligatio dignitatis exoluenda restabat.

At Tu merita meritis accumulare non desisti.

Congenitum esse Indoli Tuæ comperimus;

nunquam ex improviso ad virtutis apparatus venire.

vana enim ita festinantium vata, Icaria contentio est.

Pretiosior virtutis & honoris gaza est, quàm Phrygiæ

pluribus quàm Iasonis laboribus quærenda.

Sacer hic nexus, quo invicem hæc Magna Numina obligantur,
nunquam venit ex facili.

Rosæ & miricæ, spongiæ & gemmæ, non eodem modo colliguntur.

Immanes fuere Mydæ divitiæ, quia præcoces.

Nunquam per compendia crescunt virtus & honor,

pluri-

pluribus conciliantur intervallis.

Prudens Regina Virtus est.

æternam hanc legem sanxit:

ut expectatio honoris magnæ fiat dulcedinis.

Porro fuerit decori magni Scipionis legioni,
quod in triumpho non laureas, sed rosas ostentauerit.

Te augustior Flos, felicius exornavit;

ut post tot ingenij Tui Victorias, Pantheon,

Ecclesiæ Collegiæ SS. Omnium Canonicus ingredi merereris.

Id Tibi præstitit Lydius ingeniorum Lapis,

Flos Antistitum, & Vaveliani Muricis gloria, totus Roseus,

ILLUSTRISSIMUS, & REVERENDISSIMUS DOMINUS,

D. STANISLAUS à SŁUPOW SZEMBEK,
EPISCOPUS DIONISIÆ, SUFFRAGANEUS, CANONICUS, VICARIUS,
IN SPIRITUALIBUS, & OFFICIALIS GENERALIS CRAC: &c.

Quod nec Scipio, nec Augustus suis Heroibus præstare potuerunt.

Tantas in Te Virtutes suspexit, hic Amplissimæ Diœceseos Oculus,

ut Tibi Docanatum Prossoyicensem contulerit.

Assumpsit Te in partem laboris hic Atlas,

quoniam novit, Te MARTINUM, ad extrema fata, non recusare laborem.

Addidit Tibi Stephanoma honoris, Magnus PROTOMARTYR,

D. STEPHANUS,

Cujus Ecclesiæ auspiciatissime regendam suscepisti.

Sumpisti jam ab illo Heroicos Spiritus,

Cum eximius Ecclesiastes, Divinioris Suadæ oracula promis.

Quidni Præses Subselliorum Justitia, Tibi novam Lauream parat;

dum Canonice faciens, docens, vivens;

in funiculis charitatis, Omnes complectens;

Omnium Legum Medullam exequaris.

Ergo, obligatione Honoris Vestri, auspiciatò ad effectum deductâ.

mille plausus & Pæana Astræa Virgo excitat.

Et quæ olim terras reliquerat,

ad augendam Triumpho Vestri Majestatem, iterum descendit.

Io triumphe! Io pæan! lætabundus occinit Apollo,

Inter gratulantium tripudia, ipsa Coronatrix Vestri,

Alma Mater Vniversitas, Vota ingeminat,

ut, Deliciæ Themidis Sacræ, Nestora vincatis.


Excelsum Honoris fastigium, quod fausto passu conscendistis,
amplioribus S. Mater Ecclesia coronet, honorum incrementis.

Ducite palmares dies Doctores Clarissimi,

Selectissimæ mentes Vestræ, Oraculis Juris,

perennem in Amplissima Diœcesi mereantur adoream.

In altissimis Subsellijis Consi, & Aristides, pro Corona Justitiæ,
quam Vobis reddet JUSTUS JUDEX, feliciter certate.



BIBLIOTH. UNIV.



7. VII. 38.



